

## NEKROLOGO

Fraŭlino **TERRY N Juliette** forpasis la 16.1 1972, 76 jara.

Ni ne plu vidos ŝin, kun la ĉiamaj pakaĵoj de dokumentoj pri financoj, ĉu de F.L.L.E., ĉu de B.E.F.....

Ni ne plu povos helpi ŝin, por supreniri en la vagonaron, tiom da fojoj, kiam ŝi reiris hejmen post kunveno en Bruselo....

Ŝi ne plu akompanos nin al tiom da internaciaj kongresoj, Parizo, Varsovio, Londono, Kopenhago, Sofia, Marseille, Bruselo, Harrogate, Bournemouth,.....

Ŝi ne plu grumblos kiam la grupoj malzorgeme tro malfrue pagas la kotizojn,.....

Sed kelkaj inter ni iris al ŝi por la lasta fojo: F-ino Begodt, S-roj Vandevelde, Mortelmans, Lédör kaj aliaj el Gent; S-ro Paulus de Charleroi; S-ino **Meurrens** de Leuven kaj S-ino De Hondt kaj S-ro Verstraeten J. el Antverpeno.

Ŝi estis certa, ke ankaŭ nia Prezidanto, S-ro Debrouwere, ceestus tiun lastan momenton; kaj el tiaj vortoj ĉe la entombigo vi kun ni legu:

"Kara Juliette, dum tre longa periodo ni kune laboris por diskonigi Esperanton. Via firma konvinko estis, ke nur komuna helpfingvo eblus reatingi, ke la mondo retrovu la pacon kaj ke la devizo – neniam plu milito – fine realiĝu. Via idealo estas ankaŭ la nia, kaj ni solene promesas daŭre agi ĝis fina venko. Vi an karan memoron ni fidele gardos"

Tiuj vortoj kvazaŭ el nia koro venis.....